

OCTOBER 5-11

**LUBONO LUZWA MUJWI LYALEZA | KULO-
NGA 31-32**

“Amuchije Kukomba Mituni”

w09 5/15 11 ¶11

**Atusime Mubukombi Nkaambo “Buzuba Bupati
bwa Jehova Buli Afwaafwi”**

¹¹ Kubelesya zintu nzitwiiya muBbayibbele kulakozya kutuyumina, ikapati chiindi zyiimo nizyayuma. Muchikozyano, kakuli kwayinda chiindi chifwiifwi Jehova kali wagwisya malsrayeli mubuzike kuEgepita, malsrayeli ‘bakatalika kukazyania aMozesi’ alubo bakazumanana “kumusunka Jehova.” Nkamboonzi? Nkaambo teebakachilikwe maanzi aakunywa. (Kul. 17:1-4) Myeezi iibili kayitanakwana, malsrayeli kabali bapangana chizuminano aJehova chakuti bakali kuyoochita kweendelana amajwi “oonse Jehova [ngaakabaambila],” bakatyola mulawu kwinda mukusaanguna kukomba zibumbwa. (Kul. 24: 3, 12-18; 32:1, 2, 7-9) Malsrayeli bakasaanguna kukomba zibumbwa na akaambo kakuyoowa mbukunga Mozesi wakali wakkala chiindi chilamfu kali kuChilundu chaHorebbu? Bakayeeya kuti bantu bakuAmalekki balaboola lubo na kuti bazoobalwane akuti bakabona kuti teebakali kuyoozunda pe nkaambo Mozesi wakapede kuti bazunde munkondo yakusaanguna taakaliwo pe? (Kul. 17:8-16) Kulakonzeka kuti nzizyo zyakachitika pesi chiliwo nchakuti, malsrayeli ‘bakakaka kuswiilila’ Leza. (Mil. 7:39-41) Pawulu wakasungwaazyama Kristu kuti ‘babeleke kusikila mpubagolela’ kuti “kutabi muntu naba omwe uuba aciyanza nciconya eeco cakutaswiilila” mbuli mbubakachita malsrayeli chiindi nibakayoowa kunjila muNyika Yachisyoomezoy.—Heb. 4:3, 11.

w12 10/15 25 ¶12

Swiilila Leza Kutu Ukajane Zintu Nzyaakatusyomezya

¹² Chakufwambaana, Jehova wakachita mabambe aachizuminano chaMulawu kwiinda mukupanga tente lyakukombela amabambe abupayizi kuchiti-

la kuti bantu bali aachibi bakonzye kwaambuu-laawe. Pesi malsrayeli teebakachilipedeledede pe kuli Leza alubo nzibakali kuchita “bakali kumupa kuusa Uusalala wa Israyeli.” (Int. 78:41) Muchikozyano, Mozesi naakali kutambula malayilile kuChilundu chaSinayi, kutaba aamoyo mulamfu kwakapa kuti malsrayeli baleke kusyomeka kuli Leza nkaambo bakali bayeeya kuti Mozesi wakali wabalekelezya. Nkinkaako, bakapanga moombe wangolida mpawo bakati: “Ngooyu Leza wako, O Israyeli, iwakakugwisya mucisi ca Egepita.” (Kul. 32:1, 4) Bakachita pobwe mpawo bakalyiita kuti “pobwe Iya Jehova.” Kuzwa waawo, bakakotamina moombe wangolida akupayizya banyama kulinguwo. Jehova naakazibona eezi wakabuzya Mozesi kuti: “Bafwambaana kusiya nzila njindakabalailila kuti batobele.” (Kul. 32:5, 6, 8) Chuusisya nchakuti, malsrayeli bakazibinkana aakukachilwa kuzuzikizya zikonke nzibakali kuchita kuli Leza.—My. 30:2.

w18.07 20 ¶14

‘Ngwani Uuli Kubbasu IyaJehova?’

¹⁴ Malsrayeli bakalizi kuti kukomba zifanikisyo kwakali kubisizya Jehova. (Kul. 20:3-5) Pesi bakatalisya kukomba ng’ombe yangolida. Malsrayeli bakalyee-na akuyeeya kuti bakachili kubbasu IyaJehova nikuba kuti bakali bachita chintu chibi. Aroni wakaamba kuti kukomba ng’ombe nkubakachita lyakali “ipobwe Iya-Jehova”! Jehova wakamvwa biyeni? Wakanyema loko mpawo wakabuzya Musa kuti, bantu “babisa” akuti “bafwambaana kusiya inzila njindakabalailila.” Kazwide “bukali,” Jehova wakayeeya kunyonyoona chisi chipya chamalsrayeli nchaakali wasala.—Kul. 32:5-10.

Kuyanduula Lubono muJwi IyaLeza

w19.12 3 ¶4

Kuli Chiindi Chakubeleka Achiindi Chakulyookeza

⁴ Twabona kuti Jehova aJesu bakali kukuyanda kubeleka. Pesi eezi zyaamba kuti tatweelede kulyookeza na? Peepe. Jehova takatali pe

nkinkaako tayandi kulyookezya. Pesi Bbayibbele lyaamba kuti Jehova naakamaninsya kulenga zintu zili kujulu aanyika “wakalyookezya akulikatalusya.” (Kul. 31:17) Majwi aaya aambaanzi? Aamba kuti Jehova wakayimikila kuchita mulimu wakulenga kuti abotelwe akaambo kazintu zibotu nzyaakalenga. Nikuba kuti Jesu wakali kubeleka changuzu pesi wakali kujana chiindi chakulyookezya akulyaamwi abeenzinyina.—Mt. 14:13; Lk. 7:34.

w87 9/1 29

Mibuzyo Yabasikubala

Kuti muntu waambwa kuti walembwa mubbuku lyabuumi tazyaambi kuti chaba chidindo chakuti ziyume zitete uyoojana buumi butamani. Naakali kwaambuula atala amalsrayeli, Mozesi wakabuzya Jehova kuti: “Pele naa ulayanda kobalekelela cibi cabo; ikuti kakutali boobo, kolimwaya zina lyangu mubbuku lyako ndyookalemba.” Leza wakamusandula kuti: “Kufwumbwa ooyo wandibisiya, ngonguwe ngonditiimwaye mubbuku lyangu.” (Kulonga 32:32, 33) Zilaantanganana kuti nikuba kuti Leza walemba uumwi muntu “mubbuku” lyakwe, muntu ooyo ulakonzya kuzoosala kuleka kumuswiilila. Kuti eezi zyachitika, Leza ‘ulalimwaya zina lyamuntu ooyo mubbuku lyabuumi.’—Ciyubunuzyo 3:5.

OCTOBER 12-18

LUBONO LUZWA MUJWI LYALEZA | KULONGA 33-34

“Buntu bwaJehova Bubotu”

it-2 466-467

Zina

Zilenge zitondeezya kuti Leza mpali choonzyo pesi tazikonzyi kupa kuti tuzibe zina lyaLeza. (In 19:1; Ro 1:20) Kuti muntu akonzye kuziba zina lyaLeza weelede kuchita zyiingi kwiinda kwaamba aamulomo luzutu. (2Mk 6:33) Weelede kumuziba kabotu Leza, makanze aakwe, nzyaakachita abuntu mbwalaabo bulembedwe muJwi lyakwe. (Kozyanisya a 1Ba 8:41-43; 9:3, 7; Ne 9:10.) Eezi

nzizyo zyachitika kuli Mozesi, mwaalumi Jehova ‘ngwakazi aazina.’ Jehova aMozesi bakali abweenzinyina busimide. (Ku 33:12) Mozesi wakaba aachilongezyo chakubona bulemu bwaJehova ‘akumvwa zina lyaJehova kalyaambilizigwa.’ (Ku 34:5) Kwaambilizya ooku teekwakali atala azina lyaJehova luzutu pesi kwakali kuswaanizya buntu mbwalaabo Leza azintu nzyaakachita. “Jehova, Jehova, Leza siluse alimwi silweetelelo, uatafwambaani kukalala alimwi uuzwide luyando lutamani akasimpe, uutondezya luyando lutamani kubantu bali zyuulu, uulekelela milandu, nsotoko alimwi azibi, nokuba boobo aabo babisya tabaleki buyo katabasubuli, uuleta cisubulo kubana, kubazyukulu akubazyukululwa akaambo kacibi cabamausyi.” (Ku 34:6, 7) Munzila iikozyenie, lwimbo lwaMozesi lulaamajwi aakuti “ndiyakwaambilizya zina lya Jehova,” lutondeezya zintu Jehova nzyaakabachitila malsrayeli alubo lutondeezya buntu mbwalaabo.—Dt 32:3-44.

w09 5/1 18 ¶3-5

Jehova Mbaakalipandulula

Chintu chakusaanguna Jehova nchakaamba atala anguwe wakati ‘nguLeza siluse alimwi silweetelelo.’ (Vesi 6) Kweendelana azyakaambwa awumwi sikulanga-langa makani aamuBbayibbele, wakamba kuti bbala lyachiHebrayo lyakasandululwa kuti “siluse,” litondeezya kuti Leza “ubikkila maanu mbuli muzyali mbwababikkila maanu bana bakwe.” Alubo bbala lyakasandululwa kuti “silweetelelo” litondeezya “chiyandisyo nchalaacho muntu chakugwasya mweenzinyina chiindi nayanda lugwasyo.” Zilaantanganana kuti, Jehova uyanda kuti tuzibe kuti ulatuyanda alubo ulaachiyandisyo chakutupa zintu nzituyandikana mbuli mbubachita bazyali kubana babo.—Intembauzyo 103:8, 13.

Chachibili, Jehova wakaamba kuti nguLeza “uutafwambaani kukalala” naakuti kunyema. (Vesi 6) Tabanyemeni chakufwambaana pe bakombi bakwe. Pesi ulaamoyo mulamfu, ulabalekelela chiindi nibabisya akubapa chiindi chakuti bachinche buntu bwabo butali kabotu.—2 Petro 3:9.

Chachitatu, Jehova wakaamba kuti nguLeza “uuzwide luyando lutamani akasimpe.” (Vesi 6) Lu-

yando lutamani mbuntu buyandikana loko Jehova mbwatondeezya bakombi bakwe alubo buntu oobu butondeezya kuti takaleki pe kubayanda. (Deuteronomo 7:9) Alubo Jehova nkasensa kaka-simpe. Taakwe ngwawongelezya alubo tatukonzyi kumoongelezya. Tulakonzya kusyoma zintu zyoone nzyawamba kuswaanizya azintu nzyaakatusyomezya nkaambo ‘nguLeza wakasimpe.’—Intembauzyo 31:5.

w09 5/1 18 ¶6

Jehova Mbaakalipandulula

Kamwi kasimpe Jehova nkayanda kuti tuzibe atala anguwe nkakuti nguLeza “uulekelela milandu, nsotoko alimwi azibi.” (Vesi 7) “Ulilibambilide ku-lekelela” bantu basiya michito mibi. (Intembauzyo 86:5) Pesi Jehova tabotelwi azintu zibi. Wakaa-amba kuti “aabo babisya tabaleki buyo katabasubuli.” (Vesi 7) Leza uusalala alubo uululeme takaleki pe kusubula bantu babisya aachaali. Chaba aafwiifwi loko chiindi chakuti Jehova azoosubule basizibi.

Kuyanduula Lubono muJwi IyaLeza

w04 3/15 27 ¶5

Makani Aazwa muBbuku IyaKulonga

33:11, 20—Jehova wakaambuula biyeni aMozesi “mulomo mpande”? Majwi aaya atondeezya bantu babili bamvwanana loko kabali kwaambuuzyanina. Mozesi wakaambuula aamwiiminini waLeza chiindi naakali kutambula malayilile aakazwa kuli Jehova. Pesi Mozesi taakwe naakabona Jehova nkaambo ‘taakwe muntu uubona Leza akuzumanana kupona.’ Simpe ndyakuti, Jehova teenguwe pe wakaambuula aaMozesi. Kweendelana alugwalo lwa Bagalatiya 3:19, Mulawu “wakape-gwa abangelo kujanza lyasimwiimaakati.”

w98 9/1 20 ¶5

Bikka Zintu Zyabukombi Mubusena Bwakusaa-nguna

Baalumi boonse bachiIsrayeli abakatali malsrayeli bakalayililidwe kuti kabayinka kunembo IyaJehova kwaziindi zitatu mumunyaka. Bamwi baalumi bakachita mabambe aakuti banakazi abana babo

babasindikizye chiindi nibakali kwiinka kunembo IyaJehova kuchitila kuti mpuli yoonse igwasikane mubukombi. Pesi ngwani wakali kuyoosyaa-la kakwabilila myuunzi amyuunda yabo kuli basinkondonyina mbukunga taakwe muntu wakali kusyaala aang’anda? Jehova wakasyomezya kuti: “Kunyina uyoonyomenena nyika yanu mwanakuunka kuyoolibonya kuli Jehova Leza wanu ziindi zytatwe mumwaka.” (Kulonga 34:24) Malsrayeli bakeelede kuba aalusyomo lwakuti, kuti babbikka zintu zyabukombi mubusena bwakusaangu-na, teebakali kuyoosweekelwa aazintu zyabo. Jehova wakachita kweendelana ambakaamba na? Iiyi!

OCTOBER 19-25

LUBONO LUZWA MUJWI LYALEZA | KULONGA 35-36

“Bakalipeda Kuchita Mulimu waJehova”

w14 12/15 4 ¶4

Jehova Ulabalongezya Bali Aamuuya Wakulipeda

Zintu nzibakali kupa kuli Jehova teenzizyo pe zyakali kubotezya Jehova pesi muuya wakulipeda kusumpula bukombi bwakasimpe nkuko kwakali kumubotezya. Bakali kulipeda kwiinda mukubellesya chiindi chabo amanguzu aabo. Bbayibbele Iyaamba kuti: “Bamakaintu boonse baciwbene kumutwe kuluka bakali kupanga zintu zyakuluka amaanza.” Nisimpe “bamakaintu boonse baciwbene kuluka ibakasungulwa amyoyo yabo bakali kuluka boya bwampongo.” Kuyungizya wawo, Jehova wakapa Bbezaleli “busongo, kumvwi-sya alimwi aluzyibo mumilimo yoonse iibelekwa amaanza.” Leza wakapa Bbezaleli aOholiyabbu busongo bwakuti bachite mulimu ngubakalayili-lwa.—Kul. 35:25, 26, 30-35.

w11 12/15 18 ¶6

Bakombi baLeza Bachiindi Bakazulwidwa Aamuuya Uusalala

⁶ Zintu zyakachitika kuli Bbezaleli wakapona muchiindi chaMozesi zitugwasya kubona

mbuubeleka muuya uusalala. (**Bala Kulonga 35: 30-35.**) Bbezaleli wakasalwa kuti azulwide bantu nikwakali kupangwa zintu zyakali kuyoobe-
lesegwa mutente lyakukombela. Bbezaleli wakali aaluzibo na atala amulimu ooyu ngwakape-
gwa? Kulakonzeka, pesi mulimu ngwaakali kuchi-
ta kuEgepita wakali wakuuma zitina. (Kul. 1:13, 14) Nkinkaako, Bbezaleli wakali kuyoowuchita bi-
yeni mulimu ooyu? Jehova wakamuzuya “muuya wa Leza, kuti umupe busongo, kumvwisya alimwi aluziyibo mumilimo yoonse iibelekwa amaanza ku-
tegwa kapanga zintu zyeebeka . . . zyakubeza zyamisyobo-misyobo.” Nikuba kuti Bbezaleli wa-
kali aaluzibo pesi wakagwasigwa aamuuya uusa-
lala. Oholiyabbu anguwe wakagwasigwa aamu-
ya uusalala. Bbezaleli aOholiyabbu teebakabele-
ka aabalikke pe pesi bakayiisya bamwi mulimu ooyu. Leza wakabagwasya kuti bayiisye bamwi.

w11 12/15 19 ¶7

**Bakombi baLeza Bachiindi Bakazulwidwa Aa-
muuya Uusalala**

⁷ Chimwi chitondeezya kuti Bbezaleli aOholiyabbu bakagwasigwa aamuuya uusalala nchakuti zintu nzibakabeleka zyakakkala kwachiindi chilamfu. Zi-
ntu nzibakapanga zyakazoobeleka muminyaka ii-
sika ku500 yakatobela. (2 Mak. 1:2-6) Kusiya-
na aabantu bapanga zintu mazubaano, Bbezale-
li aOholiyabbu teebakalemba mazinaabo naaku-
ti kubikka zitondeezyo aazintu nzibakapanga. Zi-
ntu nzibakachita zyakapa kuti Jehova alemekwe.
—Kul. 36:1, 2.

Kuyanduula Lubono muJwi IyaLeza

w05 5/15 23 ¶14

Kuziba Nzila zyaJehova

¹⁴ *Bikka zintu zyakukombi mubusena bwakusaa-
nguna.* Malsrayeli teebakeelede kumaninsya chii-
ndi chabo kabachita zintu zyakumubili mubu-
sena bwakuchita zintu zyakukombi. Malsraye-
li teebakeelede kumaninsya chiindi chabo kuzi-
ntu zitagwasyi. Jehova wakasalide buzuba mu-
mviki mbwakali kwiita kuti mbuzuba busalala alu-
bo mubuzuba oobo, kwakali kuchitwa zintu zya-
bukombi luzutu. (Kulonga 35:1-3; Myeelwe 15:32-

36) Alubo Jehova wakasalide chiindi chakuti ka-
bachita miswaangano iisalala munyaka amunya-
ka. (Levitiko 23:4-44) Eezi zyakali kuyoogwasya
malsrayeli kuti bayeeyesese atala amilimu yaJe-
hova, nzila zyakwe akutondeezya kuti balamu-
lumba akaambo kazintu zyoonse zibotu nzyaa-
kabachitila. Chiindi bantu nibakali kutondeezya
kutibakalelede kuli Jehova, zyakali kubagwa-
sya kuti bamuyoowe, bamuyande akuti beende
munzila zyakwe. (Deuteronomo 10:12, 13) Mala-
yilile aali mumulawu ooyu alabeleka nikuba ku-
bakombi baJehova mazubaano.—Bahebrayo 10:
24, 25.

w00 11/1 29 ¶1

Kupa Kweeta Kubotelwa

Yeeyela mbubakalimvwa malsrayeli. Mazyalani
amalsrayeli bakali kujatwa munzila yalunya aku-
kasigwa kuchita imwi milimu. Achiindi eechi ba-
kali baangunuka akuba aazintu zyabo. Bakali ku-
yoolimvwa biyeni nibakali kuyoogwisya zimwi zi-
ntu zyabo kuti zibe zipo? Kulakonzeka kuti ba-
kali kuyeeya kuti zyakali zintu zyabo akuti bali
aacheelelo chakuchita zintu nzibayanda anzizyo.
Pesi nibakabuzigwa kuti basange mali kuti basu-
mpule bukombi bwakasimpe, bakachita oobo ku-
moyo kakutuba. Nkaambo bakalizi kuti zintu nzi-
bakalaazyo zyakazwa kuli Jehova. Bakalisungu-
la mumoyo kupa nsiliva, ngolida alubono lwabo.
'Bakasungulwa akukulwaizyigwa amyoyo yabo.'
Zilaantanganana kuti zipo zyabo “bakazipa amo-
yo omwe kuli Jehova.”—Kulonga 25:1-9; 35:4-9,
20-29; 36:3-7.

OCTOBER 26–NOVEMBER 1

**LUBONO LUZWA MUJWI LYALEZA | KULO-
NGA 37-38**

**“Zipayililo Zyakamutente Lyakukombela
Ambuzyakali Kubeleka”**

it-1 82 ¶3

Chipayililo

Chipayililo chatununkilizyo. Chipayililo chatunu-
nkilizyo chilakonzya kwiitwa kuti “cipaililo ca-

ngolida.” (Ku 39:38) Chipayililo eechi chakapangidwe aachisamu chamuunga, aajulu amumbali chakazilulwidwe angolida. Aajulu aachipayililo eechi, kwakali chibumbwa chamoombe wangolida. Mumabazu woonse chipayililo eecho chakalelene chakali kulampa masentimita aali 44.5, chakali kulampa masentimita aali 89 mubulamfu alubo chakali aameja mumabazu woonse aali 4. Aachipayililo eechi, kwakali ninga zibili zyangolida aakali kusyomekwa minkulu yazisamu zyamunga zyakazilulwidwe angolida alubo ninga eezi zyakabikkidwe munsu aamoombe wangolida kumabazu aabili aachipayililo. (Ku 30:1-5; 37:25-28) Aachipayililo eechi kwakali kuumpwa tununkilizyo tuyandikana, tubili mubuzuba, kuseeni agoko. (Ku 30:7-9, 34-38) Bbayibbele litondezya kuti chakubikkila makala chakali kubelessegwa chiindi nikwakali kuumpwa tununkilizyo, nkinkaako zilaantanganana kuti aachipayililo chatununkilizyo kwakali chakubikkila makala. (Le 16:12, 13; Heb 9:4; Ciy 8:5; kozyaniya a 2Mk 26:16, 19.) Chipayililo chatununkilizyo chakali mutente lyakukombela kunembo aakketeni lyaBusena Busalalisya, eezi nzizyo zipa kuti chaambwe kuti chakali “afwaafwi abbokesi lya Bumboni.”—Ku 30:1, 6; 40:5, 26, 27.

it-1 1195 **Tununkilizyo**

Tununkilizyo tusalala twakali kubelessegwa mutente lyakukombela malsrayeli nibakali munkanda, twakapangwa aazintu nzibakasanga. (Ku 25:1, 2, 6; 35:4, 5, 8, 27-29) Chiindi Jehova naakali kulayilila Mosisi zintu zili 4 nzyaakeelede kuswanizya naakali kupanga tununkilizyo, wakati: “Bweza myeelwe yeelene yamafwuta aanunkilila aaya: sitakite, onika, kelebuna, atununkilizyo tusalala. Mpoonya upange tununkilizyo; ubelesye tununkilizyo tusanganizyidwe kabotu akulungwa munyo alimwi tweeleda kuti katusalala. Lino tumwi ututwe tube busu akubikka bumwi busu mumbali aa Bumboni mutente lyakuswaanganana, aawo mpondilibonya kulindinywe. Tununkilizyo ootu tweeleda kuba cintu cisalalisya kulindinywe.” Kuti Jehova atondeezye kuti tununkilizyo ootu twakali ku-

salala akuti twakeelede kutuulwa kulinguwe luzutu, wakaamba kuti: “Kufwumbwa muntu uulipangila tununkilizyo ituli mbuli tootu akukkomanina kununkilila kwantuto, weeleda kujaigwa.”—Ku 30:34-38; 37:29.

it-1 82 ¶1 **Chipayililo**

Zipayililo zyaTente Lyakukombela. Chiindi nibakali kupanga tente lyakukombela bakeelede kupanga zipayililo zibili kweendelana amalayilile aaLeza. Chipayililo chazituuzyo zyuumpwa chila-konzya kwiitwa kuti “cipaililo camukuba.” (Ku 39:39) Chipayililo eechi chakapangidwe aazisamu zyamunga alubo kuyeeyelwa kuti chipayililo eecho chakali aampako aansu akujulu. Chipayililo eechi chakali aamabazu aali 4 aayelene. Mabazu aayo akali kulampa mamita aali 2.2, kuya muju-lu chakali kulampa mamita aali 1.3 alubo chakali ‘aameja’ mumabazu woonse aali 4. Chipayililo eechi chakazilulwidwe aamukuba. Tubulo twamukuba tupangidwe mbuli kansabwe twakabikkidwe ‘kunsu aalumpimpito naakuti aamoombe wamulomo wachipayililo, tubulo ootu twakeelede kusika mpuchili akati-kati chipayililo.’ Kwakabikkidwe ninga zili 4 zyakali mumakkona aali 4 aafwiifwi atubulo twamukuba tupangidwe mbuli kansabwe twakali aachipayililo alubo kuyeeyelwa kuti minkulu iibili yazisamu zyamunga zyakazilulwidwe aamukuba yakali kusyomekwa muninga eezi kuti inyampule chipayililo. Kulakonzeka kuti kumabazu aabili aachipayililo kwakali donkwedwe kuchitila kuti tubulo twamukuba tunjizigwe mukati mpawo ninga zyakali kusyaala kaziboneka mumabazu woonse. Basikulanga-langa makani aamuBbayibbele bali aamaboneno aasiyene-siyene atala ankani eeyi, pesi biingi babo baamba kuti chipayililo chakali aaninga zili 8, kabati zimwi ninga zyakajisilidi aachipayililo kuchitila kuti minkulu iibili isyomekwe aaninga eezyo. Zibelesyo zyoonse zyachipayililo zypangidwe aamukuba ziswaanizya zibbakete zyakusowela dyota, mafocholo, ndido, mafokku aakubelasya kudyunga nyama azyakunyampwida mulilo.—Ku 27:1-8; 38:1-7, 30; My 4:14.

Kuyanduula Lubono muJwi IyaLeza

it-1 36

Muunga

Muunga ulaamaamvwa malamfu alubo ulaamita-bi iyoobana. Akaambo kakuti minsamu eeyi ime-na aafwiifwi aafwiifwi eezi zipa kuti mitabi yaminsamu eeyi ijatane. . Munsamu wamuunga uli aachikwa chiyumu chitafwambaani kusumpwa. Kusima kwamunsamu ooyu akuti teewakali kukataazyza pe kuujana nzizyo zyakapa kuti kubelesegwe zisamu zyamuunga chiindi nikwakali kuyakwa tentente lyakukombela azintu zyakali kubelesegwa mutente lyakukombela. Zisamu zyamuunga zyakabelesegwa kukupanga bbokesi lyachizuminano (Ku 25:10; 37:1), tebbulu lyazinkwa zyachitondeezyo (Ku 25:23; 37:10), zipayililo (Ku 27:1; 37:25; 38:1), minkulu (Ku 25:13, 28; 27:6; 30:5; 37:4, 15, 28; 38:6), misemu yakubikkila makketeni (Ku 26:32, 37; 36:36), minsende (Ku 26:15; 36:20).

w15 4/1 15 ¶4

Mwalizi Na?

Kusiyana amagilazi aamazubaano, magilazi aachiindi chiindi chiingi akali kupangwa aansimbi iing'ayimisya loko mbuli mukuba uuvwelenganisidwe aansimbi iimbi, alubo kulakonzeka kuti bakali kubelesya mukuba, nsiliva, ngolida naakuti ngolida iivwelenganisidwe ansiliva. Magilazi akasaa-ngunwa kwaambwa muBbayibbele chiindi nikwakali kuyakwa tente lyakukombela, busena bwaku-saanguna nkubakali kukombela malsrayeli. Banakazi bakali kusanga magilazi kutegwa abelesegwe kukubamba chakusambila chamukuba achikkazikilo chacho. (Kulonga 38:8) Kweelede kuti, magilazi akali kuyemusigwa kuti abelesegwe mulimu ooyu.

